



БЕРНАРДО КАВАЛЛИНО, КАЛВАРИ РУУ, ЯВСАН ЦУВАА, ДҮРСГЭХ УРЛАГИЙН КРАЙСЛЕР МҮЗЕЙ

Тэр эргэж буцаагүй

“Калварийн толгой дээр өмнөөс нь юу ч хийж чадахгүй байгаа дагалдагчдынх нь нүдэн дээр, нэл шарх болсон Түүнийг загалмайд хадав. Түүнийг бүдүүлэг хэрцгийгээр дооглон тохуурхаж, хараан зүхэж байлаа. . . .

Тэр амьсгал хураах хүртлээ олон цаг зовсон юм. Түүний омголтсон уруулаас ‘Аав аа, Таны гарт Би сүнсээ даатгая гэсэн үгс гараад тэр амьсгалаа хураасан юм.’ . . .

Сүүлчийн агшинд Эзэн эргэн буцаж болох байв. Гэвч Тэр тэгээгүй. Тэрээр бүх зүйлийг аврахын тулд бүх зүйлээс доогуур орсон юм. Түүний амьгүй болсон цогцсыг хүнээс гуйж авсан булшинд яаруу боловч эвтэйхэн аваачиж тавьжээ.”

Ерөнхийлөгч Томас С.Монсон (1927–2018), “Тэр амилсан!” 2010 оны 4-р сарын Ерөнхий чуулган, 98.

Амьдралдаа хэрэгжүүлэх нь: Аврагч тэсэхийн аргагүй өвдөлт, ганцаардал, цөхрөлөөс болж зовж шаналж байсан ч тэсвэрлэж, мөнх бус аяллаа сүр жавхлантайгаар, бүр Эцэгээсээ Өөрийг нь цовдолсон хүмүүсийг уучлахыг гуйсаар дуусгасан билээ. Түүний төгс үлгэр жишээний ачаар бид зовлон бэрхшээлтэй тулгарахдаа сүр жавхлантай байж, Түүний тусламжтайгаар бас эцсээ хүртэл тэвчиж чадна.

Үүнийг хийж чадах Цорын Ганц Хүн нь Тэр байв

“Түүний хийсэн зүйлийг зөвхөн Бурхан л хийж чадна. Эцэгийн бие махбодыг авсан Төрсөн Ганц Хүүгийн хувьд Есүс Христ тэнгэрлэг шинж чанаруудыг өвлөн авсан. Тэр энэхүү юу юунаас илүү чухал, тэнгэрлэг үйл хэргийг гүйцэтгэж чадах мөнх бус байдалд төрсөн цорын ганц хүн байсан билээ. Энэ дэлхий дээр амьдарсан цорын ганц нүгэлгүй Хүний хувьд Тэрээр сүнслэг үхэлд хамааралгүй байв. Тэр Өөрийн бурханлаг байдлын улмаас бие махбодын үхлийг ялан дийлэх хүчтэй байсан. Иймээс Тэр бидний өөрсдөө хийж чадахгүй зүйлийг бидний төлөө хийсэн. Тэрээр үхлийн цэвдэг хүлээсийг тасчсан. Тэр мөн бидэнд Ариун Сүнсний бэлгийн эрхэм дээд, амарлингуй тайтгарлыг хүртэх боломжийг олгосон билээ.

President James E. Faust (1920–2007), Second Counselor in the First Presidency, “The Atonement: Our Greatest Hope,” *Лиахона*, 2002 оны 1-р сар, 20.

Амьдралдаа хэрэгжүүлэх нь: Хүн бүрд мөнх амьдралыг өгөхийн тулд Аврагч Цагаатгалаараа дамжуулан үхлийн хүлээсийг тайлж, бид бүгдийг гэм нүглээс маань гэтэлгэсэн. Тэрээр ийм сүрдмээр, биелэгдэшгүй даалгаврыг биелүүлж чадах цорын ганц хүн байв. Аврагч үнэхээр боломжгүйг боломжтой болгож чаддаг гэдгийг мэдэх нь хүнд сорилт бэрхшээл тулгарах үед биднийг тайтгаруулдаг.



КАРЛ ХЭЙНРИХ БЛОХ, ОРШУУЛА